

Mexiakame xapayari kemitiⁱni'airi Papuru Timuteu

Wairitsika

¹ Ne Papuru Kiritsitu Ketsutsi ni'arieya nekanihikitini mipai mitiu'aitaxiki tatsiwikweit-sitiwame Kakaiyari, meta kemi'anetsie yuri temite'erie mexi teta'ikwewa Kiritsitu Ketsutsi mipai mitiu'aitaxiki,

² nekamaniwairitiaka Timuteu, yuriki neniwe pekanihikitini yuri temite'erieki:

Kakaiyari mita'ukiyari meta Kiritsitu Ketsutsi mitati'aitiwame 'aixia mekete'u'iyarini 'ahet-siemieme, mekematsinenimayaka, meta mekematsipitiaka 'a'iyaritsie pemika'uximatiariekaki.

'Ikitsika 'axami'ane hepaitsita kemitiⁱni'imaiyaxi

³ Matseruniya kwieyaritsie kepauka nemiyemiximekai, mipai nepimatiuhiritia 'Epetsutsie pemi'ahayewaki, pemitiwata'aitianiki hipame kapa yiki mete'ikitaniki

⁴ meta kapa mewaru'enieniki yaki xeikia kememite'u'ixatsita meta niuki mikapariweki xeime ramare hepaitsita. Kemi'ane mipai miti'ikita niuki xiatiarika piwewie xeikia, pikaheye'atia tita Kakaiyari mitihiritia para yuri ti'erieti yamitiyurieneniki.

5 'Iki 'ayumieme pukuyiane xatsika mitiyukanaki'eriekaki 'iyarieya 'itiyakaku, ka'itate'akaku meta yuri ti'erieti peru huta 'iyariyari kahexeiyati.

6 Hipati xaitsie meheukuyuneka miki hepaitsita ta'aurie mekanaxirieni, 'ayumieme yaki xeikia mekatenikuxatani.

7 Piwanake 'iniari niukiyari hepaitsita memite'ikitani, peru 'atsimepikatemate tita memitekuxata meta mepikaheitimaiwawe tita memitekuxata tsepa tirikaiyemeki mipai memitekuxata.

8 Tsirikite mipai tepitemate, 'iniari niukiyari 'aixia kani'aneni, tewi xika yatikamieni he'eriwati 'iniari mihikiki.

9 Mipai timaiti, 'iniari pikaheuyewetse xika tewi heitseriemeki yatikamieni hetsiena, miki 'iniari memititsana wahepaitsita pita pikuxaxatsiwa, miki memika'enana wahepaitsita meta miki Kakaiyari memika'ayexeiya 'axamemiteyurie wahepaitsita, miki 'axamemi'anene Kakaiyari memixani'erie wahepaitsita, miki memiwakuya yupaapama meta memiteyumemiwa wahepaitsita,

10 memiwakumaiwa kemi'ane mikawa'iya mikawakina meta 'ukitsi hipame 'ukitsi memiwakumaiwa wahepaitsita, miki memiwanawatiwe teiteri wahepaitsita, miki memiteyu'itaiya meta memiyihiritia mete'itawati miki wahepaitsita. Hipati yunaiti memeye'unie 'ikitsika 'aixia mi'ane, miki wahepaitsita pikuxaxatsiwa 'iniari,

11 kemaine miki niuki mipai manuyine

witsikemiti mariwa Kakaiyari yutemawieti,
kenemitiuhiritiarié yanemitikuxataniki ne.

Papuru kemitiuhiritiarié

12 Pamipariyutsi nekanipitiaka kemi'ane
minetsitirikariya Ketsutsi Kiritsitu
mitati'aitiwame, miki yanetikamieme
minetsi'erieki, minetsi'anayexeiki mipai
nemiti'uximayakaki,

13 tsepa ne meripaiti 'axanemutainekai
hepaitsitana, tsepa nemitaweyaxi, tsepa
nemitawe'eriekai, neputinenimayatsie matsi
mipai nemitiyurienekaiki 'atsinekatimaiti
kepauka yuri nemikati'eriekai.

14 Tati'aitiwame kwinimieme 'aixia
pitiuka'iyarikai nehetsiemieme, pinetsi'upitia
yuri nemiti'eriekaki nemitinekanaki'eriekaki
Kiritsitu Ketsutsi hetsie netiwiyati.

15 'Iki niuki yuriki paine meta kaneuyeweka
minaki'eriwaniki yemeki: kename Kiritsitu Ket-
sutsi kwiepa nua 'axateyuruwamete watawik-
weitsitianié, ne miki 'axateyuruwamete watsata
mexiakame nepihiki.

16 Peru 'ayumieme neputinenimayatsie,
Ketsutsi Kiritsitu matsi waikawameki matsikime
mayeitianié nehetsie, naimeki kemireuteriwe
tiuka'eniwati, 'inari nemayaniki mexiakame
nehikititi, meminetsiha'eriwaniki miki 'arike
hetsiena yuri memiteta'erieni yuheyemeki tukari
mikaxiwe memexeyaniki.

17 Kemi'ane kwiepa naime miti'aitame yuheye-
meki, kemi'ane mikapiniwe, mikaxeyariewe,
yuxewiti timaiweti Kakaiyari, miki mariweme
kexatsiwani meta witsiketixeyarieka

yuheyemeki tsepaneti xeitsienituyari wiyari manuyekika. Mipai xeikia kani'aneni.

¹⁸ Neuxei neniwe Timuteu, 'ipai nepimati'aitia, nepimatsihiritia yaxeikia niuki 'ahepaitsita kemitiutaxatsie meripaiti kename mipai petiyurienikekai. Kepemitihekiatsiekai, kuya hepai keneyaneni, 'aixia 'anemeki kene'amieneni yuri peti'eriet i 'a'iyari kamatsi'utate'akaku.

¹⁹ Hipati memitixani'eriki wa'iyari waru-tate'akaku, yuri kememite'eriekai mepukayunixi.

²⁰ Mipai mekani'aneneni Himeneu meta 'Arekanituru, miki nepiwayetua Kauyumarie hetsia, mikiki mipai memiteta'ikitiarieniki 'axamemikatekuxataniki.

2

Nenewieri hepaitisa kemiti'ikitia

¹ 'Ayumieme mipai nepimatituika mipai yemeki mireuyewetseki, xekenewawirieka Kakaiyari, nenewieri xekenepitiaka, xeketenewawirieka meta pamipariyutsi xekenepitiaka yunaime teiteri wahetsiemieme,

² kwiepa te'aitamete wahetsiemieme meta yunaime 'itsikate wahetsiemieme, tame kayuwati te'umati teka'uximatiarieti 'atemu'uwaniki, naimeki Kakaiyari te'ayexeiyati 'aixia tetekahuti.

³ Xika mipai 'aneni 'aixia kaniyimiki meta mipai katininakeni tatsiwikweitsitiwame Kakaiyari.

⁴ Mipai pitinake yunaiti teiteri memitawikweitsitiarieniki meta tita yuri miraine metemaiti memakineki.

⁵ Kakaiyari kaniyuxewini meta niukame puyuxewi kemi'ane Kakaiyari mikihiawe meta teiteri, tewititi Kiritsitu Ketsutsi,

⁶ miki piyuyetua yunaime wahetsiemieme waxinake. Mipai pituhekiaitsie tukaritsie yemeki meuyewekaitsie 'aye'aku,

⁷ neta 'ayumieme nepukerie tixaxatame ni'ari. Yuri nepaine, nepikati'itawa: Nepukerie memikahuriyutsixi nemitiwata'ikitianiki tita yuri temite'erie hepaitsita tita yuri miraine hepaitsita.

⁸ 'Ayumieme mipai pinetinake, hakewa memeyutixexeiriwa 'ukitsi mekeyunenewieka yumamate muyuawitsie meheutitseratikaiti mepatsieti, tixai mekaha'ati meta niuki mekaxiatati yu'iyaritsie.

⁹ 'Ukari meta, mekeyukemaritiaka kemitiheitserie, memixeyariiekaki mekayati meta meyumaiwaweti, kwinimieme mepikateyukutsatsaweni, huru, perira meta 'ixuriki kwinie miraye'atikaki xeikia mepikayukemaritiaka.

¹⁰ 'Aixia kememite'u'iyariki pita mekeyukemaritiaka, 'aixia kaniyimiki mipai memiteyurieka 'ukari mipai memutiyuane kename Kakaiyari me'ayexeiya.

¹¹ 'Uka kayuwati 'umati ketiyi'ikitiaka, keyuwairiyani miti'aitiariekaki.

¹² Nepika'ipitia 'uka miti'ikitaniki 'uki miti'aitiakaki, matsi peuyewetse kayuwati mumakaki pita.

¹³ 'Arani meri putawewiya, 'arike 'Ewa.

¹⁴ 'Arani meta pikatiu'iriwiyarie, peru 'uka tiu'iriwiyarieka 'aitsika tsaname patia.

15 Kanitawikweitsitiariemiki kepauka
mitiniweni, yuri mete'eriet, meteyukanaki'eriet
meta mepatsiet xika meyuhayewani
meyumaiwaweti.

3

*Kemireuyewetse te'iwiyamete mipai
memi'aneneniki*

¹ Iki niuki yuriki paine, kemi'ane ti'iwiyame
mayeimiki, miki 'uximayatsika 'aixia mi'ane
pihiwe'erie.

² 'Ayumieme kaneuyeweka ti'iwiyame
hetsie tixaiti mikarahiwaniki tsepa mutax-
anetsie, xeime hikia 'ukaratsi pawitikini,
piyumaika, pitimaiweni, 'aixia pitixeyarieka,
piwanaki'erieka tewanarixi, piti'ikitaweni,

³ tawekame pikahikitini meta pikawatiwayani,
tumini pikahiwe'erieka, matsi pika'ayu'eriyani,
pikayumieneni,

⁴ 'aixia 'anemek pitiwa'aitiaka yukie kiekatari
meta yitiriyama piwarexeiyani tiwa'aitiati
naimeki meta 'aixia 'anemek mepei'enieka,

⁵ kemi'ane 'atsimikatitude yukie
kiekatari mitiwa'aitiakaki, Ɂkeri tiwa'iwiyani
memiyutixexeiriwa Kakaiyari hetsia miemete?

⁶ Xike yuri mitiuta'eri pikahikitini, kapa
'uyuta'ireme kauyumarie hepai 'uximatiarika
'upitiarieni.

⁷ Kaneuyeweka yuri memikate'erie 'aixia
memite'ihekiataniki kapa 'axatiuxeiyarieme
kauyumarie winiyarieyatsie 'uyukahiani.

⁸ Yaxeikiata teparewiwamete, peuyewetse
mipai memi'aneneniki, 'aixia mepitekahuni,

yuriki mepitekuxatani, mepikatariwetiweni,
tumini mepikahiwe'erieka meteyukwamanakuti,
9 wa'iyari 'itiatikaikaku kawatate'akaku
mepi'wiyani niuki matsiikiti mayeitiarie titatsie
yuri temite'erie.

10 Mikita yaxeikia wahepai meke'uta'iniatsieni
meri xika meyiawaweni, 'arike teparewiwamete
meke'akine xika wahetsie karahiawani.

11 Yaxeikiata wa'itama 'aixia mepitekahuni,
niuki peraxi mepikayiaka, mepiyukemaka meta
heitseriemeki yamepitekahuni naimeki.

12 Tiparewiwame xeime hikia yi'ia pawitikini,
meta 'aixia 'anemeki yitiriyama ketiwa'aitiaka
meta yukie kiekatari.

13 Kemi'ane tiparewiwameki yemeki
memeye'atia yihiritiaria, miki mepite'iwa 'aixia
memitexeyarieniki, meta meyuyetuati yuri
memite'erieki Kiritsitu Ketsutsi hetsie.

14 Tsepaneti kwitiwa 'ahetsia nemeyeikani, 'ipai
nepimati'utiirie,

15 mexika nekahenuaweni, ketinemaika
kemireuyewetse kehepai mitiuyeikani Kakaiyari
kie kiekatari watsata, miki mekanihikitini
memiyutixexeiriwa Kakaiyari mayeniare hetsia
miemete, muka'utika meta tsutimeyari tita yuri
miraine.

16 Mipai katinihekiaka, pimariwe miki niuki
matsiikiti matia, ketemiteheyexeiya Kakaiyari
manuyine:

Miki matsiikiti kanayani yuwaiyaritsie 'uyeikati,
heitserie pupitiarie 'Iyari hexeyiati,
niuki tuayamete mepixei,
pikuxaxatsiwakai nuiwarite watsata,

yuri mepite'uta'eri hetsiena kwiepa memitama,
witsi'aneti panutiwitikie.

4

Timuteu kemitiuta'ikitia

¹ Yakatinihekiaka 'Iyari kemaine, 'imatirieka
'aye'aximekaku, hipati mekateniayewakuni yuri
mete'eriet, 'iyarite memite'itawa mepiwa'enieni
meta kakaiyarixi yakixeikia kememite'ikita,

² mete'ikitati yaki xeikia metekuxatati, Kauyu-
marie 'iniarieyaki mepitepiatarieni yu'iyaritsie,
'ayumieme pikawarutate'ani wa'iyari.

³ Mipai mepite'aitani memikaneneikeniki
memikawiekaki meta memitehayewaniki
hipame 'ikwaite metekwati, tsepa Kakaiyari
minetia 'ikwaite memenu'iniki pamipariyutsi
me'ipitiati miki yuri memite'erie, miki tita yuri
miraine memitehetima.

⁴ Naime Kakaiyari mitiunetia 'aixia
katini'aneni, tixaiti pikatixani'eriwa xika ranupini
pamipariyutsi 'ipitiati Kakaiyari,

⁵ Kakaiyari niukieyaki meta nenewieriki kaniti-
patsiwani.

⁶ Mipai xika petiwaruta'ikitiani 'iwamarixi,
Kirititsu Ketsutsi parewiwameya 'aixia
mi'ane pekaniyanemiki, pwereti niuki yuri
ketemite'erie pe'enieti, 'ikitsika mitseye pe'enieti
kepemitweiya 'iniaritime.

⁷ Kememite'u'ixatsita Kakaiyari
meka'ayexeiyati 'ixatsi meripaimieme, miki
kenexani'erieka. Matsi ketine'a'ikitiaka
pemi'iyamakaki Kakaiyari pemayexeiyaniki
tirikaiyemeki.

8 Xika tiy'ikitiaka waiyari mi'iyamakaki miki 'etsiwa pitiyunaki'erie, peru xika Kakaiyari 'ayex-eiyani, naimeki pitiyunaki'erie, tukari mexeiyaiki ketemite'utahiawarie temeixeiyaniki hiki meta tukari 'umamietsieta.

9 Miki niuki yuriki paine meta kaneuyeweka minaki'eriwaniki yemeki.

10 Mipai mi'aneki, 'ayumieme tepite'uximaya meta 'axatepитеkihiawariwa, yuri temite'uta'eriki Kakaiyari mayenieretsie teta'ikwewati, miki yu-naime teiteri kaniwawikweitsitiwametini, matsi yemeki yuri memite'erie.

11 Mipai ketiniwahiritiaka meta mipai ketine'ikitani.

12 Xewiti pikamatsitawe'erieka temaiki 'akuxi pemihikiki. Matsi miki yuri memite'erie mipai memi'aneneniki 'iniari kena'ayeitiwani kepemitiutaniuka, kepemitiuyeika, kepemiti'akanaki'erie, keyapemitikamie 'aniukiki meta kepemiti'itiya.

13 Mexi nekahenuawe, kene'ayumiemetini petiteriwati niuki memi'enieniki, pewatuikati meta peti'ikitati.

14 Ketineuhayewa pe'itimaiyati tita pemitiupitarie 'iyaritsie timieme, mipai pepitiupitarie tixaxatame tikuxatakaku, kepauka 'ukirawetsixi 'axeikia 'ahetsie memutimeixia.

15 Mikiki kene'ayumiemetini, mikitsie keneuyeikani yunaiti memimatsixeiyaiki kepemiraye'axime.

16 Kene'a'iwiyani meta kene'iwiyani 'ikitsika. Mipai petiyurieneti kene'ahayewa,

mikiki pepi'atawikweitsitiani meta
pepiwatawikweitsitiani miki memimatsi'enie.

5

Kemireuyewetse mipai miwayurieniki hipame

¹ 'Ukiratsi pepikatatieni, matsi pepinitiani
'apaapa hepai. Temari 'a'iwama wahepai
ketiniwakihaweni.

² 'Ukarawetsixi 'amemuyumate 'amaama hepai
ketiniwaxeiyani, 'imarixi 'a'iwama wahepai ke-
tiniwakihaweni, naimeki pe'itiyati.

³ 'Aixia ketiniwaxeiyani wiuraxi xika yemeki
meyuxewini.

⁴ Kemi'ane wiura yuniwema meta
yuteukarima miwarexeiya, matsi yemeki
kaneuyeweka miki mipai memitehetimaniki
'aixia memitewaxeiyaniki yukie kiekatari,
'amemite'apikaki mewaparewieti yupaapama,
mipai Kakaiyari mitinakeki.

⁵ Kemi'ane wiura yuxaita 'amuka yemeki, miki
kemitita'ikwewa Kakaiyari hetsie, 'iwawirieti
meta nenewieri 'ipitiati tukariki tikariki.

⁶ Peru wiura kemi'ane kemitiyikihawe xeikia
'amuyeika hiwe'erikaki, miki mikiti 'apuyeika
tsepa mayeniere.

⁷ Mipai ketiniwa'aitiaka tixaiti wahetsie
mikarahiwaniki.

⁸ Kemi'ane mikatiwamikwa yuniwema, meta
yukie kiekatari, miki puyuku'imawa yuri ti'erieti,
kwinimieme matsi 'axapiyiane keyuri yuri
mikati'erie.

⁹ Wiura xika haika tewiyari wiyari hexeiyani ke'aka'utuarieni, xika yikina xeimetsie xeikia ti-wiyakaitini,

¹⁰ xika 'aixia timariwani 'aixia mitiyurieneki, xika tiiri waweriyaweni, xika tewanarixi wanaki'erieka, xika Kakaiyari teiterimama wa'ikate hauxinaweni, xika waparewiweni miki memi'uximatiarie meta xika yatikamiekaitini naimeki 'aixia tiyurieneti.

¹¹⁻¹² Wiuraxi yaki memuyumate pepikawaraka'utiani, 'uxa'atini warie mepiwiekuni, yunaki'eriyaiki mepikunuaxiani. Mikiki yuhetsie mepite'ahipani yamemikatekahuki kememite'uyuhiritia Kiritsitu hetsiemieme.

¹³ Miki meta mipai mepiteyu'iyamatiani meyi'iraraxieti kieta meku'u'uwati xeikia. Mepikayu'iraraxie xeikia matsi niukiperaixi mepakika meta tita 'aixia mikati'ane metekuxatati.

¹⁴ 'Ayumieme mipai nepitiwaraye'eritiwa, peuyewetse miki yaki memiyumate wiuraxi memitiwikieniki, yukiita memite'aitaniki, xika mipai meteyurieka tixaiti mepikatepitiani, kemi'ane mitatsi'aye'unie 'axapikatiyurieka.

¹⁵ Matsi hipatiri mepite'uhayewaxi Kauyumarie pita me'anuweiyake.

¹⁶ Xika xewiti yuri ti'erieteti 'ukititi 'ukaratsititi xika yumarema warexeiyani wiuraxi, miki kewaparewieka, pikawa'uximatiaka memiyutixexeiriwa, miki pita wiuraxi yemeki yuxaita memu'uwa mepiwaparewieka.

17 'Ukirawetsixi 'aixia 'anemeki memite'uximaya miki matsi waikawa 'aixia mekete'uxeiyarieni, yemeki matsi miki naimeki meyutatuati memitekuxata meta memite'ikita.

18 'Utiarika xapayari mipai paine: «Pepika'itsurhiaka túuru kepauka tiriku miketsinane mitihenarieniki», mipai meta paine «Ti'uximayamete heitserie kanexeiyani mitipitiarieniki».

19 Yuri'utaineme pepika'erieka xika 'ixanetani mihiritiari, mexika yuhutati yuhaikati memunierixi metehekiatani xeikia pepuwa'enieka.

20 Miki 'axamemiteyurie keniwarutati'a yunaiti mematsi'eniekaku hipatita marika memexeyaniki.

21 Nekamenihiritiaka Kakaiyari hixie meta Kiritsitu Ketsutsi hixie niuki tuayamete memanayexeiyarie mematsixeyiakaku, mipai yaketinekamieni, kwitiwa pepika'itahiawe tewi petimarieti xeikia peru peka'i'enieweti, 'atsipepikatiyurieneni xeime xeikia 'aixia petixeiyati.

22 Kwitiwa xeimetsie pepika'utimemeni, miki meta 'axakememiteyurie hipati 'ahetsieta rahiiwaniki. Pe'itiyati kene'a'iwiyani.

23 Peru ketineuhayewa haa xeikia pehareti, matsi 'etsiwata winu kenanuye'eni 'ayuriepa pemitikuyeki miixa.

24 'Axamemiteyurie hipati mepanuyehaitiriwe, kwitiwa mepimatsiiki tsepa 'itsikame mikawatahiawiwe, hipati 'axakememiteyurie mepu'imati mepikawiyariewawe kwitiwa.

25 Yaxeikia miki 'aixia memiteyurie kwitiwa mepimatsiki, meta tsepa memikamatsiki, mepikayiwawe memi'awietsiekaki yuheyemeki.

6

1 Wairiyarika te'uximayatamete kiye memanuyetekiye, yemeki wawemete mekewa'erieka yukutsiyarima, xika mipai meteyurieka 'axapikatikuxaxatsiwani kemi'ane Kakaiyari mihiki meta 'ikitsika 'axapikatikuxaxatsiwani.

2 Memiwakutsiyarima xika yuri mete'erieka, mepikawatawe'erieka yu'iwama mewaxeiyati, matsi 'aixia 'iyariki mekete'uximayaka wahet-siememe yuri memite'erieki meminaki'eriwaki miki 'aixia memi'itiarie mete'uximayaku. Mipai ketine'ikitani mipai ketiniwatuikani.

Tumini xika naki'erieka

3 Xika yiki ti'ikitani xewiti, xika yaka'aneni, 'ikitsika 'aixia mi'ane ka'eniemi Tati'aitiwame Ketsutsi Kiritsitu miniukieya ka'i'eniemi 'iki 'ikitsika kimana Kakaiyari temayexeiya,

4 miki pihitsierie, 'atsipikatiimate. Katinikuyeni niuki xiatiarika kuwauneti xeikia, niuki hepaitsita yumiemi, mikitsie payeneika kememite'itetsa, kememiteyuheka, kememitewatsewixima hipame 'axame'utiyuati wahepaitsita, 'axakememiteyikihawe,

5 kememikatehayewa meniukixieti, mipai mepiteyurie teiteri memitipinirime kememiteyumate memeiwiwi tita yuri miraine. Mipai mekatenuki'eriwani, kemi'ane mirayexeiya 'iwarika pexeiya.

⁶ Tsiepire xika Kakaiyari 'ayexeiyani tixaiti kareuyehiati, yemeki piti'iwa.

⁷ Tixaiti tepikate'atikikai kwiepa temu'axia, 'ayumieme tepikayiwawe tixaiti temite'anutini temiyehu.

⁸ 'Ayumieme, 'ikwai meta kemari xika tehex-eiyani, mikiki tekenaki'aka.

⁹ Miki memeuka'uniki xeikia memiyia, miki mepekaxirieni me'iniatsieti, winiyariki mepi'wiyarieni, waikawa mepiteyukahiwe'erieka 'atsimekatemaiti, meteyukwinitati. Miki hiwe'erika teiteri piwakatuika memika'unarieniki memitatimaiyarieniki.

¹⁰ Teiteri kememite'ihawe'erie tumini, miki nanaritsie kaniutineikani naiti 'axamiti'anene, hipati me'ihawe'eriet, mepeuyexiri yuri mekate'eriet mepaki, meta mepite'uka'eniexia waikawa hiwerikaki.

Yuri ti'eriet kemitiunanautsani yutatwati

¹¹ 'Ekitsi, Kakaiyari tewiyari pekanihikiti, kene'ata'una mikiki, mipai pita ketine'amexiitiaka, heitseriemeki yapemitikamieniki, Kakaiyari pemayexeiyaniki, yuri pemitieriekaki, pemitikanakieriekaki, pemitika'eniwaniki meta pemikahayu'erianiki.

¹² 'Aixia 'anemeki pe'atatuati keneutananautsani yuri petieriet, keneuwiya tukari mikaxiwe, miki 'ayumieme peputa'inierie meta yumireti tehekiamete mematsixeyakaku 'aixia 'anemeki pepi'ahekiataki yape'aneti.

¹³ Kakaiyari naime mirayenieritia matsixeyakaku, Kiritsitu Ketsutsi 'aixia 'anemeki

muyuhekiata ya'aneti Punitsiyu Piratu hixie,
miki matsixeyakaku, mipai nepimati'aitia

¹⁴ yaketinekamieni kepemitiu'aitiarie,
peka'itseximati 'aitsika, hetsiena pekarahipati,
Tati'aitiwame Ketsutsi Kiritsitu matsikiti
mayanike.

¹⁵ Tukari 'aixia mi'ane 'aye'ayu, matsikime
kanayeitiamiki.

Kemi'ane yutemawieti yuxewiti Ti'aitame mihiki,
kemi'ane te'aitamete mitiwa'aitiwame, kutsi-
yarima miwakutsiyari,

¹⁶ kemi'ane yuxewiti mikamiwe,
hekaripa meka hakewa mikayiwe 'ahurawa
mayaniki xewiti,
kemi'ane tewi mika'ixeyawe mikayiwe mix-
eiyaki,

miki mariweme kexatsiwani, kehetirikaiyeni
yuheyemeki. Mipai xeikia kani'aneni.

¹⁷ Mipai ketiniwa'aitiaka miki memeuka'u
hiki kwiepa, mepikateyukatawe'erieka, yuri
mepikate'erieka yupinitsie, 'atsimikatimatsikiki
xika xuawekamiki, matsi yuri meketekerieka
Kakaiyari hetsie pita, miki naime pitatipitia
yemeki matsi temitatemamawiekaki.

¹⁸ Mipai ketiniwa'aitiaka meta 'aixia
memite'uximayakaki, memeuka'uniki 'aixia
meteyurieti, 'aixia memite'u'iyariniki, hipame
wahamatia memiyuxewiniki.

¹⁹ Mipai meteyurieti mepiyutatenaritanini 'aixia
'aneme 'uxa'a warie maye'anitsie mieme, tita
yuriki mititukari metehexeyati mepakine.

²⁰ Neuxei Timoteu, kene'iwiyani 'ahiritiarika.
Ta'aurie kenawetsi pemikawa'enieniki yaki

xeikia kememutiyuane mekate'ayexeyati,
waniukitsie pepikatiwiyani metatsi'aye'unieti
kememutiyuane miki temaiwawemete
memiyuxata mete'itawati.

²¹ Hipati mikitsie mete'uwiyaka xaitsie meka-
neukuyunixiani yuri kememite'eriekai.
'Aixia ketiuka'iyarini xehetsiemieme.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3